

**ՀԱՅԿԱԿԱՆ ԿՈՏՈՐԱԾՆԵՐԸ
ԸՍՏ ԵՐԻՏԹՈՒՐՔԵՐԻ ԴԱՏԱՎԱՐՈՒԹՅԱՆ ՓԱՍՏԱԹՂԹԵՐԻ**

Ա. Շ. ՓԱՓԱՋՅԱՆ

1918 թ. Մուղրոսի ղինադադարից անմիջապես հետո, նույն թվականի 4-ին, Ահմեդ Իզզեթ փաշայի գլխավորությամբ կազմված նոր կաբինետը միջազգային հասարակական կարծիքի ճնշման տակ որոշում կայացրեց Թուրքիան առաջին համաշխարհային պատերազմի մեջ ներքաշելու և հայերի տեղահանության ու կոտորածի համար դատական պատասխանատվության ենթարկել երիտթուրքերի կառավարության ղեկավարներին, ինչպես նաև «Միություն և առաջադիմություն» կուսակցության կենտրոնական կոմիտեի անդամներին: Այնուհետև, Մտամբուլի սուլթանական կառավարության որոշումով (8 հունվարի 1919 թ.), հայերի տեղահանության և կոտորածների մեղսակիցներին պատժի ենթարկելու համար սկսեցին կազմվել դատական հարցաքննիչ հանձնախմբեր, որոնք հավաքում էին արևմտահայության կոտորածներին վերաբերող մեղադրական ապացույցներ, այդ թվում՝ ծածկագիր հեռագրեր, պաշտոնական գրություններ, հրահանգներ և հրամաններ, ինչպես նաև ականատեսների վկայություններ: Միևնույն ժամանակ մամուլը լայն աշխատանք ծավալեց հանցագործներին բացահայտելու և դատաքննության հանձնելու համար:

Այս միջոցառումների ընթացքում ձերբակալվեցին երիտթուրքական կառավարության մի շարք մինիստրներ ու կուսակցական ղեկավարներ, շրջանային պատասխանատու քարտուղարներ, որոշ կուսականներ, ղինվորականներ և այլ պաշտոնատար անձինք, որոնց ընդհանուր թիվը հասավ հարյուր հիսուսին: Հարկ է նշել, որ հայկական կոտորածների անմիջական մտահղացողներն ու կազմակերպիչները հասցրել էին արդեն փախուստի դիմել ապաստան գտնելով իրենց դաշնակից Գերմանիայում:

1919 թ. մարտի 8-ին, երբ ընդհանուր տեսքի էին բերված մեղադրական փաստաթղթերը, սուլթան Մեհմեդ VI Վահիդեդդինի (1861—1922) հրամանագրով երիտթուրքական ղործիչները հանձնվեցին Մտամբուլի ռազմական առտակարգ ատյանի քննության: Այդ դատավարությունների արձանագրություններն ու որոշումները շատ քիչ տպաքանակով հրատարակվեցին թուրքական պաշտոնական «Թաքվիմ-ի վաքայի» թերթի հավելվածներում (արաբատառ): Թերթերի պատճենները պահվում են Հայկական ՄՄՀ կենտրոնական պատմական արխիվում (ֆոնդ 450, ցուցակ 2, գործ 52): Հարկ է նախատգնատություն անել, որ այդ փաստաթղթերը արխիվին են հանձնված ֆրանսահայ հասարակական գործիչ Ռոժե (Կարպիս) Ջրբաշյանի կողմից:

Դատաքննության նիստերի բոլոր հրատարակությունները կրում էին հետևյալ խորագիրը. «Նորին մեծություն Փադիշահի 1335 (1919) թ. մարտի 8-ի կայսերական հրամանով կազմված ռազմական արտակարգ ատյանի դատավարության արձանագրությունը»: 1919 թ. դատաքննություններն անցկացնող հանձնաժողովի անդամներն էին՝ ղեներալ-լեյտենանտ Մուստաֆա Նազըմ փաշա (նախագահ), ղեներալ-մայոր Զեքի փաշա, ղեներալ-մայոր Մուստաֆա փաշա, ղեներալ-մայոր Ալի Նազըմ փաշա, ղնդապետ Բեջեթ Ֆերդի բեյ: 1920 թ. սկզբին կազմված ռազմական Առաջին արտակարգ ատյանի հանձնաժողովի անդամներն էին՝ ղեներալ-մայոր Հսուդ փաշա (նախագահ), ղեներալ-մայոր Իսսան փաշա, ղեներալ-մայոր Մուստաֆա Քերիմի փաշա, ղեներալ-մայոր Իսմայիլ Հակկը փաշա, ղնդապետ Սուլեյման Շաքիր բեյ:

1. Ներխուրդակաճ կառավարության ղեկավարների
և «Միություն և առաջադիմություն» կուսակցության կենտրոնական կոմիտեի
անդամների դատավարությունը

Դատաքննությունն սկսվեց 1919 թ. ապրիլի 27-ին Ստամբուլում և ընդ-
հատումներով տևեց մինչև հունիսի 26-ը: Մայիս ամսին տեղի ունեցած 6
նիստերի ընթացքում հիմնականում հարցաքննության ենթարկվեցին «Միու-
թյուն և առաջադիմություն» կուսակցության կենտրոնական կոմիտեի անդամ-
ները, մեծ վեզիր Սալիկ Հալիմ փաշան և մի քանի մինիստրներ: Իսկ հունիս
ամսին մեղադրական նոր ապացույցների հիման վրա դատաքննությունը էին
ենթարկվելու պետական բարձր պաշտոնատար անձինք, այդ թվում նաև երկ-
րի հոգևոր առաջնորդներ (շեյխ ուլ-իսլամ) Հալի, Մուսա Քյազիմ և էսադ
էֆենդիները: Սակայն մայիսի 28-ին անգլիական հրամանատարության կող-
մից 27 հոգի բանտից աքսորվեցին Սալիկ կղզի: Այսպիսով, հունիս ամսվա
դատական 7 նիստերի ընթացքում լսվեց շեյխ ուլ-իսլամ Մուսա Քյազիմ է-
ֆենդիի, փոստի և հեռագրական մինիստր Հյուսեյն Հալիմ բեյի, ծերակուտա-
կան ժողովի նախագահ Րիֆաաթ բեյի դատաքննությունը: Իսկ շեյխ ուլ-իս-
լամ էսադ էֆենդին հիվանդության պատճառով ուղարկվեց բժշկական քննու-
թյանը: Այս բոլորի դատավճիռը կայացավ 1919 թ. հուլիսի 5-ին:

Դատաքննությունների ընթացքում հեռակա կարգով մեղադրվում էին 11,
իսկ դատավարությանը ներկա եղողներին՝ 21 կուսակցական և պետական
բարձրաստիճան գործիչներ:

Ըստ դատաքննության կսուրգի, հանձնաժողովի նախագահ, գեներալ-լեյ-
տենանտ Մուստաֆա Նազըմ փաշան առաջին հերթին հաստատում է մեղադրյալ-
ների ինքնությունը, ինչպես նաև նրանց դատապաշտպանների առկայության
հարցը: Այնուհետև դատական քարտուղար Շեֆիկ բեյը ընթերցում է մեղադ-
րական ակտը: Մինևույն ժամանակ քրեական օրենսգրքի 372-րդ հոդվածի հի-
ման վրա տրվում է գլխավոր դատախազ Մուստաֆա Նազմի փաշայի հավա-
նությունը բացականերին հեռակա կարգով դատելու մասին: Մուստաֆա Նազ-
մի փաշան, նկատի ունենալով նաև թե՛ դատասկզբում և թե՛ ընթացքում
դատապաշտպանների տարկություններն այն մասին, որ «մինիստրների և
այլ պետական բարձր պաշտոնյաների հետ առնչվող դատական հայցերը քն-
նարկման են ենթակա ոչ թե ռազմական արտակարգ ատյանում, այլ Գերա-
գույն դատարանում», իր ելույթում նշում է, որ մեղադրական ակտում **ցույց**
տրված հանցագործությունները տեղի են ունեցել ոչ թե մինիստրների պաշ-
տոնավարության բերումով, այլ կուսակցության կենտրոնական կոմիտեի,
ինչպես նաև նրա պլենումների գործադրած հանցագործությունների մասնա-
կիցը դառնալու հանգամանքով: Հերքելով հանցանքը պաշտոնավարության
հիման վրա մեկնաբանելու փաստաբանների առարկությունները՝ Մուստաֆա
Նազմի փաշան նշում է. «Բարբարոսային կոտորածները, անարգ չարաշա-
հումները դժբախտաբար նույնպես վերագրվում են «Միություն և առաջադի-
մություն» կուսակցության կենտրոնական կոմիտեին, նրա պլենումներին և
«Հատուկ կադմակերպության» (Թեշվիլաթ-ը մահսուսե) գործունեությանը: Եվ
այս անձնավորությունները դատի են տրված ոչ թե մինիստրի պաշտոնում
գտնվելու համար, այլ «Միություն և առաջադիմություն» կուսակցության մեջ
ղեկավար դիրք ունենալու և կենտրոնական կոմիտեի անդամ լինելու հանգա-
մանքով: Կոտորածների և չարաշահումների հետևանքով օսմանցիների արժա-
նապատվության վրա ընկած արյունոտ հետքերը, օսմանցիների ճակատը մը-
րոտած սև բծերը կարելի է ջնջել միայն արդարության գրչով: Եվ այս ձևով
ջնջելու համար նրանց դեմ հայտարարվում է ջիհադ (սրբազան պատերազմ):

Մեղադրական ակտում ցույց տրված և իրենց անմիջական հեղինակու-
թյամբ կատարված հանցագործությունների համար մեղադրվում են դոկտ.
Բեհհաջեդդին Շաքիրը, Նազըմը, Աթիֆը, Րիզան, Ջեվադը, Ազիզը, Էնվերը,
Ջեմալը և Թալաաթը: Այդ հանցագործություններին անուղղակի մասնակցու-
թյուն ունենալու համար մեղադրվում են Միդհատ Շյուքրին, դոկտ. Ռուդուհին,

Քյուլուկ Թալաթը, Զիյա Գյուք Ալփը, Քեմալ բեյը, Սալիկ Հալիմ փաշան, Ահմեդ Նեսիմին, Շյուքրին, Իբրահիմը և Խալիլը: Օսմանյան արդարադատության հիման վրա պահանջում եմ սրանց ենթարկել դոնբաց դատաքննության» («Թաքվիմ-ի վաքայի», № 3540, էջ 8):

Երրորդ նիստի սկզբում (պաշտոնավարության հարցի վերաբերյալ) դատարանը հավաստի փաստարկներով որոշում է վերոհիշյալների դատաքննությունը լսել ռազմական արտակարգ ատյանում (ն. տ. № 3543, էջ 17):

Հարկ է նշել, որ առաջին և հաջորդ մեղադրական ակտերում բերված փաստաթղթերը՝ ծածկագիր հեռագրերը, նամակները վկայում են, որ արևմտահայության տեղահանությունը ռազմական կամ կարգապահական միջոցառում չի եղել, այլ այն տեղի է ունեցել բացարձակապես կուսակցության կենտրոնական կոմիտեի ցանկությամբ և նախաձեռնությամբ, որ հայերի տեղահանությունն ու կոտորածները ոչ թե սահմանափակ կամ տեղական բնույթ են կրել, այլ՝ կանխամտածված և իրականացվել են հատուկ կենտրոնի հրահանգներով ու գաղտնի հրամաններով: Մեղադրական ակտերում և հարցաքննության նիստերի ընթացքում հիմնական շեշտը դրվում է արևմտահայության կոտորածի վրա: Իներենք մի հատված առաջին դատավարության մեղադրական ակտից.

«Դոյություն ունեցող փաստերը վկայում են, որ իրավասու կոմիտեն մեղադրվում է օրինազանցության, շարաշահումների և մի շարք կոտորածներ կատարելու մեջ, որոնք հաստատում են այդ կոմիտեի վերոհիշյալ ազդեցիկ ղեկավարների պատասխանատվությունը: Իրենց նենգ դիտավորություններն իրականացնելու համար նրանք ի վերջո կարողացան երկիրը ներքաշել համաշխարհային պատերազմի մեջ, ռազմական գործողությունների ընթացքում իրենց գաղտնի ծրագրերը իրականացնելու համար իրենց կողմից ստեղծված «Հատուկ կազմակերպության» միջոցով սկսեցին գաղտնապես իրագործել «Միություն և առաջադիմություն» կուսակցության ծրագրերը: Բանտերից դուրս բերված հանցագործներն ու ավազակները ընդգրկվեցին «Հատուկ կազմակերպության» մեջ: Եվ այս կապակցությամբ սկզբնական շրջանում ջանք գործադրվեց միամիտ մարդկանց համոզելու, որ այդ ավազակախմբերն իբրև թե մասնակցելու են պատերազմական գործողություններին: Մինչդեռ վերոհիշյալ ապացույցներն ու բոլոր փաստաթղթերը ցույց են տալիս, որ այդ հեռուսկայանքներ ստեղծված էին տեղահանված հայերի ֆառավանները կոտորելու և ոչնչացնելու նպատակով» (ընդգծումը մերն է—Ա. Փ.) (№ 3540, էջ 6):

Դատավարության 5-րդ և 6-րդ նիստերում մանրակրկիտ հետաքննության ենթարկվեց արևմտահայության կոտորածն իրականացնող «Հատուկ կազմակերպությունը», որը, ինչպես նշվեց, կյանքի էր կոչվել «Միություն և առաջադիմություն» կուսակցության կենտրոնական կոմիտեի անդամների կողմից հատուկ որոշմամբ:

Հարցաքննության ընթացքում, նկատի ունենալով իրենց կատարած հանցագործությունների ծանրությունը, մեղադրյալներն անընդհատ փորձում էին խուսանավել և շեղվել ստույգ պատասխաններից: Այնուհանդերձ խաչածե հարցաքննության ընթացքում և որպես մեղադրական ապացույց բերված հեռագրերի, նամակների և վկայությունների հիման վրա լիովին բացահայտվում է իրականությունը: Այն է, որ տեղահանությունն ու կոտորածը ոչ միայն հավանության է արժանացել կենտրոնական կոմիտեի անդամների կողմից, այլև վճռվել է ձայների մեծամասնությամբ, գաղտնի նիստերից մեկում:

Պաշտոնատար անձինք մեղավոր էին ճանաչվում նրա համար, որ իրադեկ լինելով կոտորածների և այլ բռնությունների մասին, ոչ մի գործնական միջոցառում չեն ձեռնարկել դրանք կանխելու հարցում: Ընդհակառակը, իրենց ձեռնադրությամբ նպաստել են, որպեսզի շարունակվի տեղի ունեցող այդ ողբերգությունը: Օրինակ՝ շեյխ ուլ-իսլամ Մուսա Քյազիմ էֆենդին, որը որպես կրոնական առաջնորդ կարող էր մեծ ազդեցություն ունենալ այդ վայրագությունները խափանելու խնդրում, ոչ մի կական քայլի չի դիմել: Հարցաքննու-

թյան ընթացքում նա փորձում է արդարանալ, որ ինքը պատասխանատու չէ կառավարության անդամների գործադրած հանցագործ արարքների համար, որ այդ հարցում մեղավոր է ներքին գործերի մինիստրությունը (հ. 3573, էջ 148): Նույնիսկ մի շարք այլ կարևոր հարցերի քննարկման ժամանակ, երբ իր կարծիքն են հարցրել, նա պատասխանել է. «Կուսակցությունն այդպես է ուզել, ուրեմն՝ այդպես էլ պիտի լինի» (հ. 3604, էջ 219): Իսկ մի այլ տեղ արտահայտել է հետևյալ միտքը. «Կուսակցությունից դուրս գալը նշանակում է իսլամի կրոնից հրաժարվել» (5-րդ դատավարություն, էջ 179):

1919 թ. հուլիսի 5-ին արձակված դատավճռում, կրկին հիմնական շեշտը դնելով արևմտահայության տեղահանության, կոտորածների և ունեցվածքի կողոպտման հարցի վրա, նշվում էր կուսակցության կենտրոնական կոմիտեի և կառավարության ղեկավարների կողմից սահմանադրության ոտնահարման փաստերի մասին: Կարևոր հանցանշաններից մեկն էր համարվում նաև առանց մեջլիսի որոշման առաջին համաշխարհային պատերազմին մասնակցելու հարցը, ինչպես նաև առևտրի և հատկապես պարենային խնդրում տեղ գտած չարաշահումներն ու սպիկուլյացիան:

«Հետաքննությունը ցույց տվեց, — նշվում է դատավճռում, — որ օսմանյան պետության օրենքներն ստեղծվել են «երեքի գործությամբ», և այդ օրինադրանցությունը կատարվել է ահաբեկչական ուժ գործադրելու միջոցով: Այսպիսով, վերոհիշյալ հանցագործ արարքների անմիջական հեղինակներն են «Միություն և առաջադիմություն» կուսակցության պարագլուխներն ու ընդհանուր մեջլիսի անդամները: Այդ թվում՝ փախուստի մեջ գտնվող նախկին մեծ վեզիր Թալաաթ փաշան, նախկին ռազմական մինիստր, այժմ զինվորական շարքերից վտարված էնվեր էֆենդին, նախկին ծովային մինիստր, նույնպես զինվորական շարքերից վտարված Ջեմալ էֆենդին և նախկին հանրակրթական միներիստր, դոկտ. Նազըմ էֆենդին, որոնց անմիջական հեղինակությամբ կատարվել են այդ հանցագործությունները: Տվյալ հանցագործություններին անուղղակի մասնակցություն են ունեցել նաև հիշյալ մեջլիսի անդամներից, նույնպես փախուստի մեջ գտնվող ֆինանսների նախկին մինիստր Ջավիդ բեյը, ինչպես նաև առևտրի և հողագործության մինիստր Մուստաֆա Շերեֆ բեյը: Բացահայտված է նաև, որ կատարված հանցագործություններում իրենց մեղսակցությունն են ունեցել նաև նույն ընդհանուր ժողովի անդամներից՝ դատարանում ներկա գտնվող նախկին շեյխ ուլ-իսլամ Մուսա Քյադիմ էֆենդին» (հ. 3604, էջ 219):

Այսպիսով, քաղաքացիական քրեական օրենսգրքի 45-րդ հոդվածի առաջին կետով դատարանը մահվան վճիռ կայացրեց Թալաաթին, էնվերին, Ջեմալին և Նազըմին, իսկ 45-րդ հոդվածի երկրորդ կետի համաձայն, 55-րդ հոդվածի վերջին կետով Ջավիդը, Մուստաֆա Շերեֆը և Մուսա Քյադիմը դատապարտվեցին 15-ական տարի ժամկետով աքսորի:

Դատաքննության ենթարկված մեղադրյալներից մի քանիսը, իբրև թե բավարար հանցանշան չունենալով, ազատ արձակվեցին, այդ թվում՝ սենատի նախկին նախագահ Րիֆաաթ բեյը, փոստի և հեռագրատան մինիստր Հաշիմ բեյը: Այս վերջին երկուսի նկատմամբ տրված վճռին հանձնաժողովի ոչ բոլոր անդամներն էին համաձայն: Դատավճռի վերջում (էջ 220) ռազմական արտակարգ ատյանի անդամ, «պայակույտի գեներալ-մայոր Մեհմեդ Ջեքի փաշան, ստորագրելով հանդերձ, կատարել է հետևյալ նշումը. «Այս դատավճռին մասնակից լինելով հանդերձ՝ ես այն համոզմունքին եմ, որ մեղադրյալ Հաշիմ բեյը անուղղակի կերպով մասնակցություն է ունեցել նշված հանցագործություններին, քանի որ իր ցուցմունքներն ու առկա ապացույցներն այդ են վկայում»:

Նկատենք, որ դատավճռում ոչ բոլոր մեղադրյալների անուններն են հիշատակված, քանի որ նրանց մեծ մասը դաշնակիցների հովանավորությամբ կալանատնից վերցվելով աքսորվեցին Մալթա կղզի:

**2. «Միություն և առաջադիմություն» կուսակցության
շրջանալիս պատասխանատու քարտուղարների և այլ պաշտոնատար անձանց
դատավարությունը**

Դատաքննության նիստերը տեղի ունեցան 1919 թ. հունիսի 21-ին, 23-ին և 28-ին, իսկ դատավճիռը կայացվեց շատ ուշ, այն էլ՝ Ստամբուլի ռազմական Առաջին արտակարգ ատյանի հանձնախմբի կողմից՝ 1920 թ. հունվարի 8-ին: Մեղադրական ակտի և դատավճռի տվյալներով ամբաստանվում էին 35 անձինք:

19 հունիսի 1919 թվագրված մեղադրական ակտում մատնանշվում է, որ շրջանալիս պատասխանատու քարտուղարներն իրենց գործունեության ընթացքում կուսակցության կենտրոնական կոմիտեի և կառավարության կողմից ստացված բանավոր և գրավոր գաղտնի հրամանների համաձայն անօրեն միջամտություն են ունեցել կառավարության գործերին և մասնակցել մեղադրյալ թալանախմբի փախչելի և նրա գործընկերների կատարած հանցագործություններին:

«Ընդունված հատուկ օրենքի համաձայն, — նշվում է մեղադրական ակտում, — այլ վայրեր տարագրվող հայերի քարավանները ոչնչացվել են ճանապարհին, ստեղծված քրեական հանցագործ հրոսակախմբերի կողմից, իսկ նրանց (հայերի — Ա. Փ.) գույքն ու ունեցվածքը ենթարկվել է կողոպուտի և հափշտակության: «Միություն և առաջադիմություն» կուսակցության առաջնորդները մի ներքին գաղտնի ուժ ստեղծելով, դանազան ձևերով ալլափոխել են Օսմանյան կայսրության սահմանադրական օրենքները և իրենց քմահաճ գործարքներն իրականացրել են վիճակներում «պատասխանատու քարտուղարների» և «լիազորների» անվան տակ գտնվող իրենց մարդկանց միջոցով: Իացի այդ, հարստություն դիզելու մոլուցքով տարված, օգտագործել են պատերազմական իրավիճակը և ժողովրդին խիստ անհրաժեշտ միջոցների հարցում զբաղվել շարաշահումներով և սպեկուլյացիայով: Միևնույն ժամանակ իրենց արարքներին արտաքուստ օրինականացման ձև տալով՝ գործել են ըստ իրենց քմահաճույքի» (№ 3586, էջ 164):

Դեռևս «Միություն և առաջադիմություն» կուսակցության կենտրոնական կոմիտեի անգամների դատավարության առաջին փուլի 5-րդ և 6-րդ նիստերում որպես մեղադրական ապացույց բերված հեռագրերն ու նամակները միանգամայն հաստատում էին, թե ինչպիսի սերտ համագործակցության մեջ են եղել շրջանալիս պատասխանատու քարտուղարները կենտրոնական կոմիտեի հետ: Այդ գրությունները ցույց են տալիս, թե ինչպիսի ակտիվ գործունեություն են ծավալել նրանք «Հատուկ կազմակերպության» համար քրեական հանցագործներ հավաքագրելու գործում (տե՛ս № 3554, 3557):

Պատասխանատու քարտուղարների հարցաքննության ընթացքում հիմնական շեշտը նույնպես գրվում է արևմտահայության տեղահանության, կոտորածների և ունեցվածքի կողոպուտման հարցի վրա:

«Միություն և առաջադիմություն» կուսակցության մի շարք ղեկավարների նախաձեռնությամբ տեղի ունեցած տեղահանության և կոտորածի գործում, — նշում է հանձնաժողովի նախագահ Մուստաֆա Նազրմ փաշան, — եթե մասնաճյուղերը օժանդակություն չընդհանրեին, ապա այդ աստիճանի ողբերգություն տեղի չէր ունենա: Հետևաբար, կուսակցության մասնաճյուղերն անողղակի մասնակցություն են ունեցել: Իսկ մասնաճյուղերի պատասխանատվությունն էլ ընկնում է քարտուղարների և լիազորների վրա» (№ 3596):

Հարցաքննության ընթացքում էդիրների պատասխանատու քարտուղարն ու մյուս մեղադրյալներն իրենց հանցանքը թեթևացնելու համար նույնպես աշխատել են խուսանալի և արդարանալու ուղիներ որոնել, պատասխանելով, որ տեղահանությունը, իբրև թե, կատարվել է օրենքի հիման վրա և կառավարության կարգադրությամբ: Հանձնաժողովի նախագահ Մուստաֆա Նազրմ փաշան, հերքելով նրանց կեղծ ցուցմունքները, նշում է. «Օրենքի մեջ ասված է, որ տեղահանությունը կատարվելու է ռազմական տեսանկյունից անհրա-

ձեշտ եղած վայրերում, մի՞թե Դուք (խոսքը էդիրենի պատասխանատու քարտուղար Աբդուլ Ղանի բեյին է ուղղված—Ա. Փ.) չէիք նկատում, որ ձեզ մոտ դրա անհրաժեշտությունը չկար... մի՞թե չէիք կարող այդ հարցը քննարկել և ինչ-որ միջոցառում ձեռնարկել այդ ուղղությամբ...: Օրենքով կատարված գործողությունների համար ոչ մեկին պատասխանատվության չենք ենթարկում: Իրականությունն այն է, որ տեղահանության փոփոխության տակ կոտորած են ստացել (ընդգծումը մերն է—Ա. Փ.): Ահա այդ արարքի համար է, որ ձեզ պատասխանատվության ենք ենթարկում» (Հ. 3596):

Այսպես, ուրեմն, 1920 թ. հունվարի 8-ի դատավճռում նշվում էր, թե ինչպես վերոհիշյալ պատասխանատու քարտուղարներից և լիազորներից մի քանիսը օժանդակել են կենտրոնական կոմիտեի նախաձեռնությանը և իրենց մասնաճյուղերում հավաքագրած մարդասպանների և այլ քրեական հանցագործների միջոցով կազմակերպել հայերի կոտորածն ու ոչնչացումը և նրանց ունեցվածքի կողոպուտը: «Ահա այս ձևերով և օրենքի բուն ոգուն հակառակ,—նշվում է դատավճռում,— տեղահանությունը ծավալվել է բոլոր կողմերում համատարած և առաջ բերել ողբերգական ծանր իրավիճակ: Բոլոր ապացույցներն ու փաստերը միանգամայն հաստատում են, որ կոտորածներն անմիջապես իրականացվել են «Միություն և առաջադիմություն» կուսակցության ստեղծած «Հատուկ կազմակերպության» կողմից, իսկ պատասխանատու քարտուղարներից ոմանք նպաստել և հեշտացրել են այն իրենց մասնակցությամբ» (Հ. 3772):

Դատարանի որոշմամբ նրանց հանցագործ արարքներն առնչվում էին քրեական օրենսդրության 45-րդ հոդվածի ցուցումով 55-րդ հոդվածի վերջին կետի հետ: Այսպիսով, Սինոպի ղեկուսատու Հասան Ֆեհմի բեյը, էդիրենի պատասխանատու քարտուղար Աբդուլ Ղանի բեյը, Բոլուի պատասխանատու քարտուղար Միդհատ բեյը դատապարտվեցին տասը տարուց ավելի ժամկետներով բանտարկության: Մի քանիսը դատապարտվեցին տարբեր ժամկետով բանտարկության, իսկ մյուսները դաշնակիցների կողմից կալանատնից վերցվելով արսորվեցին Մալթա կղզի (№ 3772):

3. Յոզղաթի, Տրապիզոնի, Բյույուֆ Դերեի և Խարբերդի տեղահանության և կոտորածների հանցավորների դատավարությունները

Այս դատավարությունների ընթացքում Մտամբուլի ռազմական արտակարգ ատյանը մանրամասն հետաքննություն էր կատարում նաև զավառներում տեղի ունեցած տեղահանության և կոտորածների: անմիջական իրականացնողների նկատմամբ:

Առաջինը լսվեց Յոզղաթի հայության տեղահանության և կոտորածի գլխավոր հանցագործներ, Յոզղաթի մութասարիֆի տեղակալ և Բոզազլյանի կայմական Քեմալ բեյի և Յոզղաթի ոստիկանության պետ, մայոր Թեվֆիկ բեյի կատարած հանցագործությունների հարցը:

Յոզղաթը գտնվում էր պատերազմական թատերաբեմից շատ հեռու, բայց տեղի հայությունը նույնպես ենթարկվեց դաժան հալածանքների:

«Հայերի դրամն ու ունեցվածքը կողոպտվելուց հետո,—ասված է 1919 թ. ապրիլի 8-ի դատավճռում,—նրանց քարավանները ճամփու էին դրվում կյանքի ապահովման բոլոր միջոցներից զուրկ: Նույնիսկ մի շարք ստոր մարդկանց գաղտնի հրահանգները կատարելով, ոչ մի ուշադրություն չէին դարձնում նրանց կյանքի ապահովման խնդրին, այլ, ընդհակառակը, բոլոր տղամարդկանց ձեռքերը իրար ամուր կապելով, զրկում էին ինքնապաշտպանության ամեն մի հնարավորությունից: Նվ այդպես մտածված կերպով առիթ էին տալիս, որպեսզի իրականացվի այդ ծանր ողբերգությունը» (Հ. 3617):

Դատավճռում բերված մեղադրական ապացույցները վկայում են, որ տեղի հայությանը կոտորելու համար Քեմալ բեյը ոտքի է հանել ոչ միայն իր

տրամադրության տակ գտնվող սանջակի թուրքերին, այլև կոչ է արել բոլոր մալմեդականներին ոտքի կանգնել հայ ժողովրդին իսպառ ոչնչացնելու համար: Դատարանը միահամուռ մեղավոր ճանաչելով նրան, կալսերական քրեական օրենսգրքի 170 և 171-րդ հոդվածների հիման վրա նրան դատապարտեց մահվան, իսկ Քեմալի Բեյը նույն օրենսգրքի 45-րդ հոդվածով դատապարտվեց 15 տարվա տաժանակիր աքսորի: Քեմալ Բեյի մահապատժի վավերացվեց սուլթանի կողմից և նրան կախեցին Ստամբուլի Բայազետի հրապարակում՝ 1919 թ. ապրիլի 11-ին:

Տրապիզոնի հայերի տեղահանությանը և կոտորածին վերաբերող դատավճռով մեղադրվում էին 8 հանցագործներ, բայց հիմնական պատասխանատվությունը դրված էր Տրապիզոնի վալի Ջեմալ Ազմի Բեյի և կուսակցության պատասխանատու քարտուղար Նալիլ Բեյի վրա:

Տրապիզոնի դատավճռում մանրամասն խոսվում է նաև հայերի լքյալ գույքերի կողոպտման և կորստի մատնելու մասին: Այսպես՝ Տրապիզոնի ոստիկանապետ Նուրի էֆենդիին իբրև թե հանձնարարված է եղել տեղահանված հայերի լքյալ գույքի հավաքման, գրանցման և պահպանման հարցը: Մինչդեռ նա գործնականում ոչ մի միջոցառում չի ձեռնարկել այդ ուղղությամբ: Ավելին, նրա հրամանով լքյալ գույքը հափշտակվելով, մատնվել է կատարյալ կորուստի:

Գործադրված ծանր հանցագործությունների համար դատարանը վերոհիշյալ 170 և 171-րդ հոդվածների հիման վրա հեռակա կարգով մահվան է դատապարտել Ջեմալ Ազմի և Նալիլ Բեյերին: Դատարանում ներկա Տրապիզոնի հարկային տեսուչ Մեհմեդ Ալի Բեյը դատապարտվեց տասը տարի ժամկետով տաժանակիր աքսորի, իսկ մնացած մեղադրյալները՝ 1—2 տարվա բանտարկություն:

Ջեմալ Ազմի Բեյը իր արժանի պատիժը գտավ հայ վրիժառուների կողմից՝ 1922 թ. ապրիլի 17-ին Բեռլինում: Իսկ Նալիլ Բեյը կախաղան բարձրացվեց Անկարայում՝ 1926 թ. Քեմալ Աթաթյուրքի դեմ մահափորձ կազմակերպելու մեղադրանքով:

Հայտնի է, որ պատերազմի ընթացքում երիտթուրքերը մի շարք վայրերում հաշվեհարդար տեսան նաև արաբների, ասորիների և հատկապես հույների նկատմամբ: Օրինակ՝ Բյույուք Դերեի (Ստամբուլի աբվարձաններից մեկը) տեղահանության ժամանակ հայերի հետ ծանր հալածանքների ենթարկվեցին նաև հույները:

1919 թ. մայիսի 24-ին Բյույուք Դերեի բնակչության տեղահանության պատասխանատուների համար ընդունված դատավճռում նշվում է, որ տվյալ շրջանի ղեկավարները տեղահանության ընթացքում, իրենց անձնական շահն ու ստոր մտադրությունները իրականացնելու համար, բնակչությանը տրամադրել են շատ կարճ ժամանակամիջոց, որպեսզի նրանք ստիպված լինեն իրենց ունեցվածքը թողնել ու հեռանալ: Բյույուք Դերեի ողբերգության հիմնական պատասխանատուներն էին ոստիկանապետ Աբդուլքերիմ և առևտրական Ռեֆիկ Բեյերը, որոնք առանց խղճի խալթի, ոստիկանական մարդկային ամենատարրական իրավունքները, բնակչությանը բռնի տեղահանելով, կողոպուտի են մատնել բոլորի շարժական և անշարժ գույքերը (N 3618): Բյույուք Դերեի գործի դատավճռով մեղադրյալները դատապարտվեցին մի քանի տարի ժամկետներով բանտարկության:

Դեռևս երիտթուրքերի կառավարության պարագլուխների դատավարության ընթացքում կուսակցության կենտրոնական կոմիտեի անդամ և «Հատուկ կազմակերպություն» նախագահ Բեհադդին Շաքիր Բեյը հեռակա կարգով մեղադրվում է արևմտահայության տեղահանության և կոտորածների մտահղացման ու հիմնական կազմակերպիչներից մեկը լինելու ծանր հանցանքով: Բեհադդին Շաքիր Բեյը և Խարբերդի կուսակցության պատասխանատու քարտուղար Բենեկի Նազրմ Բեյը իրենց կատարած ծանր հանցագործությունների համար պատժի ենթարկվեցին Խարբերդի հայության տեղահանության և կոտորածի 1920 թ. հունվարի 13-ի դատավճռով:

«Մեղադրյալ ղոկտ. Բեհալդդին Շաքիր բեյր, որպես «Հատուկ կազմակերպության» նախագահ. — նշվում է դատավճռում, — Սաամբուլից զուրա դալով սկսել է շրջագայել Տրապիզոնի, էրզրումի և այլ փլայեթներում: Միևնույն ժամանակ բանտերից զուրա բերված ոճրագործներից և այլ հանցագործներից կաղմված հրոսակախմբերի գլուխն անցնելով, տարբեր ժամանակներում և տարբեր վայրերում կոտորել է անդահանված հայերին և նրանց ունեցվածքը կռթարկել կոպուպուսի» (№ 3771):

Բեհալդդին Շաքիր բեյր հնուակա կարգով գատապարտվեց մահվան, իսկ Բեանելի նստում բեյր՝ 15 տարվա տաժոնտկիր արքայի: Դատավճռի վերջում դատական ասիանի երեք անդամներ նշում են կաաարել, որ Բեանելի նստում բեյր նույն ասաիճանի հանցագործ է, ինչ Բեհալդդին Շաքիրը, և պահանջել են նրա նկատմամբ նույնպես մահապատիժ կալացնել: Բեհալդդին բեյր ևս սպանվեց հալ վրիժառուների կողմից՝ 1922 թ. ապրիլի 17-ին Բեռլինում:

Դատավարության նյութերը որոշակի պատկերացում են տալիս արևմտահայության տեղահանության և կոտորածների կազմակերպման ու իրագործման մասին:

Դատավորները, իհարկե, ոչ բոլոր դեպքերում ցուցաբերեցին անհրաժեշտ հետևողականություն և խորություն: Նրանցից շատերը, կապված լինելով երիթուրքերի հետ, հաճախ հակված էին շխտանալ կատարված փաստերի մեջ և չընդունել խիստ որոշումներ: Լեզուհանգերծ, պատերազմի ավարտից հետո երիթուրքերի պարագլուխների գատավարությունը խոշոր երևույթ էր արևմտահայության նկատմամբ տեղի ունեցած հալածանքներն ու ցեղասպանությունը համալն մարդկության առաջ բացահայտելու տեսանկյունից:

ГЕНОЦИД АРМЯН ПО ДОКУМЕНТАМ СУДЕБНОГО ПРОЦЕССА МЛАДОТУРОК

А. А. ПАПАЗЯН

Резюме

В 1919 году по решению султанского правительства Стамбула за вовлечение Турции в мировую войну и непосредственное осуществление высылки и резни западных армян государственные руководители младотурок, члены центрального комитета партии «Иттихад ве Теракки» («Единение и Прогресс»), а также районные ответственные секретари и другие должностные лица были преданы чрезвычайному военному суду. Материалы этого судебного процесса, которые в свое время были опубликованы в приложениях к турецкой официальной газете «Таквим-и вакан» («Перечень событий»), полностью подтверждают ответственность государственных деятелей младотурок за осуществление высылки и резни западных армян.